

Der erste Theil/

Ist ein wahrer Oberschlagk / wo die
Leute/als Reuter vnd Knechte/ wieder
den Erbfeind/den Türcken/zu streiten
zu nehmen sind.

Berinnen muß man bedacht
seyn/das wir dieselben auß allen Or-
ten/ ohne sonderliche Beschwerung zusamen
suchen/damit wann etliche abgehen/wir mehr Vorrath/
vnd im Fall der Nothurfft die Lande zu besetzen haben.

So hat man vor vielen Jahren vor eine Warheit
aufgeben/das die Minor Brüder/ inn der Christenheit
sollen Clöster haben/ 40000.

Nun acht mans auch darfür / das die andern drey
Bettel Orden/als Augustiner/Prediger/ vñ vnser Frau-
wen Brüder/zusammen haben/ 40000.

Vnd dieweil der Orden/ ingesampt 72. seynd/ die
obenbemeldte vier Orden abgezogen/so bleiben 68. Or-
den/Wann die 68. Orden all zusammen so viel Clöster
haben/ als die obgedachten vier Bettel Orden / das
ist 80000.

Summa aller Clöster / seynd hundert vñnd sech-
zig Tausend.

So seynd der Canoniseyen / halbe Canoniseyen/
Frauen vnd Jungfrauen Stiffe vñnd Clöster/ auch
40000.

A iij

Thum